

PRIJEDLOG !

Na osnovu člana 13. Zakona o principima lokalne samouprave u Federaciji BiH ("Službene novine Federacije BiH" br. 49/06 i 51/09), člana 3. i 4. a u vezi sa članom 2. Zakona o finansiranju pomoći za otklanjanje posljedica prirodne nesreće i obnovu područja zahvaćenih prirodnom nesrećom ("Službene novine Federacije BiH" br. 59/14), člana 55. i 104. Statuta općine Ilijaš - prečišćeni tekst ("Službene novine Kantona Sarajevo" br.20/09), te člana 99. i 102. Poslovnika Općinskog vijeća Ilijaš ("Službene novine Kantona Sarajevo" br. 2/10), Općinsko vijeće Ilijaš na svojoj _____ sjednici održanoj __.__.2015. godine, donijelo je :

O D L U K U

o korištenju sredstava za otklanjanje posljedica prirodne nesreće i obnovu područja općine Ilijaš zahvaćenih prirodnom nesrećom

Član 1.

Ovom Odlukom utvrđuju se uslovi i način korištenja sredstava po osnovu naknade za zaštitu od prirodnih i drugih nesreća i naknade za izgradnju i održavanje skloništa zatečenih na namjenskim računima, danom stupanja na snagu Zakona o finansiranju pomoći za otklanjanje posljedica prirodne nesreće i obnovu područja zahvaćenih prirodnom nesrećom, kao i sredstva koja će se prikupiti u roku od jedne godine od dana stupanja na snagu navedenog Zakona.

Član 2.

Sredstva po osnovu naknade za zaštitu od prirodnih i drugih nesreća i naknade za izgradnju i održavanje skloništa, prikupljena u periodu iz člana 1. ove Odluke mogu se koristiti, bez ograničenja, za otklanjanje i ublažavanje posljedica prirodne nesreće iz maja 2014. godine.

Član 3.

Sredstva iz člana 1. ove Odluke koristiti će se isključivo za sljedeće namjene :

1. Sanacija klizišta ;
2. Sanacija i rekonstrukcija oštećenih puteva i
3. Sanacija i rekonstrukcija oštećenih ostalih infrastrukturnih objekata ;

Član 4.

Za realizaciju ove Odluke zadužuje se Općinski načelnik.

Član 5.

Ova Odluka stupa na snagu danom objavljivanja u „Službenim novinama Kantona Sarajevo“.

Broj : _____ / _____
Ilijaš, __.__.2015. godine

PREDSJEDAVAJUĆI
OPĆINSKOG VIJEĆA ILIJAŠ

Filipović Damir

OBRAZLOŽENJE

U skladu sa odredbama člana 24. tačka 11. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine FBiH“ br. 39/03, 22/06 i 43/10) Vlada Federacije usljed obilnih padavina koje su zahvatile područje Federacije je 15.maja 2014. godine donijela Odluku o proglašenju stanja prirodne nesreće na području Federacije BiH. U skladu sa donesenom Odlukom i prouzrokovanim stanjem usljed obilnih padavina, Parlament Federacije u Junu mjesecu 2014.godine donosi Zakon o finansiranju pomoći za otklanjanje posljedica prirodne nesreće i obnovu području zahvaćenih prirodnom nesrećom (Službene novine FBiH br. 59/14) a koji je stupi na snagu 24.07.2014. godine. U skladu sa odredbama navedenog Zakona pod područjima zahvaćenim prirodnom nesrećom podrazumijeva se i područje Kantona Sarajevo, a samim tim i području općine Ilijaš. Odredbama navedenog Zakona je propisano da se u svrhu otklanjanja posljedica prirodne nesreće mogu angažovati i sredstva deponovana na namjenskim računima, a što su u konkretnom slučaju i namjenski račun u okviru trezora općine Ilijaš (član 3. i 4. pomenutog zakona).

Znači pravni osnov za donošenje odluke nalazi se u članu 3. i 4. te člana 2. kojima je propisano da se za otklanjanje posljedica prirodne nesreće i područja zahvaćenih prirodnom nesrećom mogu angažovati sredstva sa posebnih namjenskih računa, odnosno da odluku o angažovanju sredstva iz budžeta općine i sa posebnih računa općine donosi Općinsko vijeće, a da se u otklanjanju posljedica mogu angažovati sredstva zatečena na računima u momentu stupanja na snagu Zakona, odnosno i sva prikupljena sredstva u roku od jedne godine od dana stupanja na snagu Zakona.

Nadalje pravni osnov se nalazi u članu 13. Zakona o principima lokalne samouprave FBiH kojim su propisane nadležnosti općinskog vijeća za donošenje Odluka, kao i Statutu općine Ilijaš, odnosno Poslovniku o radu Općinskog vijeća.

Predlažemo Općinskom vijeću da u skladu sa Poslovníkom razmotri ponuđeni dokument te iste usvoji.

PREDLAGAČ
OPĆINSKI NAČELNIK
Fazlić Akif